



LOURENSRIVIER GEMEENTE

Joh 12:24

"Voorwaar, voorwaar Ek sê vir julle, as die koringkorrel nie in die grond val en sterf nie, bly dit alleen; maar as dit sterf, dra dit veel vrug."

www.lourensrivier.co.za | Tel: 021 8535991

24 November 2019



WELKOM BY ONS EREDIENS!

Diens: Ds Petrie de Villiers

24ste week in Koninkrykstyf

Fokusteks uit Leesrooster: Kol 1:11-20

RCL tekste: Luk 1:68-79 & 23:33-43

Jer. 23:1-6

Deurkollekte: Uitreikfonds



BELOFTELAND: 09h00-10h15

DINAMIET KIEDZ: 09h00-10h15

GROOTGROEP: Kersdiens

(Afsluiting (Piekniek), volgende Sondag)



KONTAK: Karin Kuys @ 0836430653

LIFELINE JEUG:

Afgesluit vir die jaar

KONTAK:

Constant @ 072 224



KNIEWERK: Petrie vir boodskap

- ♥ Joël Kriegler gaan 26 Nov vir operasie.
- ♥ Ons innige meegevoel met Annie du Plessis en familie met die heengaan van haar man, Dupie
- ♥ Petrie se ma in hospitaal
- ♥ Hannes Hauman vir spoedige herstel na operasie

JES. 30:19b

...Die Here sal jou

genadig wees as jy na

Hom roep om hulp, Hy sal jou gebed

verhoor sodra Hy dit hoor.



FOKUSTEKS: Kol 1:11-20

In die kerkjaar staan vandag bekend as "Sondag van Christus die Koning". Op hierdie Sondag word beklemtoon dat Christus die Middelaar is, die Koning van die heelal. Ons teks help ons om hierdie waarheid oop te breek. Dit lei ons daartoe om te besef dat Christus die antwoord is op die onwaarhede of dwaalleringe wat ons ook in ons hedendaagse lewe weglei van Christus as die Middelpunt in ons lewe. Dit kan goed wees om na te dink oor versoekings in die lewe wat ons makliker en eerder aanhang as geloof in Christus. In 'n wêreld wat in 'n groot mate kapitalisme aanhang, kan geld-hebsug dikwels ons lewe beheers. Die najaag van rykdom word ons koning. Ons kan selfs glo ons redding lê daarin. Ons kan selfs verval in 'n denkraamwerk (of selfs dwaalleer) waar ons begin glo daar is al hoe meer mag in die lewe en selfs in ons persoonlike verhoudings wat tot ons redding sal kom. Die ander dwaalleer is dat God "weg" is, of dat God 'n mite is, dat ons eintlik maar net alleen op hierdie wêreld is, dat die dood die einde van alles is. Ons moet self sin in die lewe probeer skep, of onself aan sinloosheid oorgee. Hierdie, en ander "konings" of "regeerders" in ons eie lewe, neem ons weg van die waarheid dat Christus ons Here en Middelaar is.

Bron: <http://preke.bybelmedia.org.za/>

Retief Burger sing: *Ek staan vandag soos duisende voor my... Met 'n vuur hier in my hart voor U... Deur al die eeue heen is U naam besing... En saam met engele wil ek ook nou iets bring... My woorde is min, maar hier moet ek begin want U is... Alles vir my... U is die lied hier op my lippe, U is die naam wat ek bely... U is alles vir my, U's my begin U is my einde, U's my weg U is my lewe... U is alles vir my, en U is genoeg.*

KOM WORD DEEL VAN DIE HARTKLOP VAN ONS GEMEENTE!

Skakel in by onderstaande Gemeente-aksies of 'n Omgee/ Kleingroep (kontak kerkkantoor @ 021 853 5991)

HOU ASB IN GEDAGTE DAT DIT 'N JAAR-PROGRAM
IS, DUS SAL DAAR ONDERLINGE REËLINGS WEES
INDIEN DAAR AFWYKINGS IN TYE OF DATUMS IN DIE
WEEK IS

MAANDAG:

19h00: Rapha Vrouegroep (elke 2de Ma.)

Kontak: Jackie Strauss @ 084 505 2908;
(Sien byeenkomsdatums in Gemeentegids)

DINSDAG:

09h00 of 19h00: Veritas Bybelskool
Module 1 & 4 @ **Konsistorie of Raadsaal**

Kontak: Kerkkantoor @ 021 853 5991

WOENSDAG:

08h00: Sr. Mannebyeenkoms @ Moederskamer

Kontak: Kerkkantoor @ 021 853 5991

09h00: Gebedsgroep in Gebedskamer

Kontak: Kerkkantoor @ 021 853 5991

09h00 of 19h00: Veritas Bybelskool
Module 2 & 3 @ **Konsistorie of Raadsaal**

12h00: SNUFFELMARK in Kerksaal

Elke laaste Wo. van maand

Kontak: Gail Fourie @ 083 789 2190

DONDERDAG:

09h00: Gebedskursus (afgehandel vir jaar)

Kontak: Annalie Botes @ 021 854 4620

VRYDAG:

05h30: Mannebyeenkoms by Smiling Oven

Nic Huisman @ 082 552 2423

06h00: Mannebyeenkoms in Konsistorie

Kontak: Kerkkantoor @ 021 853 5991

MAT 18:20

“want waar twee of
drie in my Naam
saam is, daar is Ek
by hulle.”



NUWE INTREKKERS?

Baie



WELKOM

by ons Gemeente!

In die voorportaal is 'n boekie waarin jy jou besonderhede kan aanteken waarna iemand in die kerkkantoor jou sal kontak.

Die boekie is ook daar vir ENIGE IEMAND wat 'n besoek verlang, voorstelle, of gebedsversoek het.



Kom drink na die diens 'n heerlike koppie tee/koffie saam met ons in die voorportaal.

PRODUKTE WAT BENODIG WORD
VIR DIE KOSKAS

ONTHOU produk (te) hoef nie meer as
R50 te wees nie.....

ELKE BIETJIE HELP

(Gebruik mannasakke by deure of gee vir
Wyk se Kosmandjie)

Pakkies Sop en sakkies sopmengsels

Blikkies Vis & Bief

Blikkies gemengde groente

Pakkies Soya Mince

2 Minute Noodles

Spaghetti & Macaroni

Klein pakkies suiker, koffie en tee

Poeiermelk & Boksies melk

Toiletpapier

Tandepasta, Seep, Sjampoe, Vrouedoekies

Skoonmaakmiddels



DIT WORD S666 WAARDEER!

IS DAAR DAE WAT JY “AF” VOEL?

KRY JY SWAAR?

SUKKEL JY OM GEESTELIK EN LIGGAAMLIK STERK TE BLY?

HET JY GEBED OF BEMOEDIGING NODIG?

ONS WIL JOU SÓ GRAAG BYSTAAN!

Kontak: Kerkkantoor 021 853 5991

TERUGVOERING / GEBEDSVERHORING:

Ons wil baie graag ook weet hoe dit gaan met almal vir wie ons bid.

Hou ons asb op hoogte. Skakel kerkkantoor @ 021 853 5991



BELOFTEROLLE: Ons wil jou graag uitnoui om agter in die kerk 'n belofterol te neem. Dis gratis en deel van die Gebedsbediening. Dit kan ook as gebede gebruik word.

Vir diegene wat belangstel en dit gebruik, hier is die Fokustekste vir Desember en eerste week in Januarie 2020

ADVENT SEISOEN		
Fokusteks & Datum plus Alternatiewe tekste		
Eerste Sondag in Advent (Jes. 2:1-5; Mat. 24: 36-44; Ps. 122)	01 Des. 2019	Rom. 13:11-14
Tweede Sondag in Advent (Jes. 11:1-10; Ps. 72:1-19; Mat. 3:1-12)	08 Des. 2019	Rom. 15:4-13
Derde Sondag in Advent (Jes 35:1-10; Ps. 146:5-10; Mat. 11:2-11; Luk. 1:46-55)	15 Des. 2019	Jak. 5:7-10
Vierde Sondag in Advent (Jes.7:10-16; Ps. 80:1-19; Mat. 1:18-25)	22 Des. 2019	Rom. 1:1-7
Kersfeesdag Feesdiens (Jes. 52:7-10; Ps. 98; Hebr. 1:1-12; Joh. 1:1-14)	25 Des. 2019	Lukas 2:1-20
Eerste Sondag na Kersfees (Ps. 148; Hebr. 2:10-18; Mat. 2:13-23)	29 Des. 2019	Jesaja 63:7-9
Tweede Sondag na Kersfees: Epifanie Sondag (Ps 72:1-14; Ef. 3:1-12; Mat 2:1-12)	05 Jan. 2020	Jesaja 60:1-6

Jy kan nou die **ZAPPER selfoontoepassing** as 'n addisionele manier vir Bankkollekte en Dankoffer bydraes gebruik. Laai die “APP” gratis af van jou selfoon se “app store” Jy sal van elke transaksie verwittig word deur Zapper.

Vir meer inligting of navrae:

Charlene @ 021 853 5991





VERSOEK VAN HUIS JAN SWART

Huis Jan Swart benodig die dienste van 'n haarkapster twee dae per week om die bejaardes se hare te was, knip en stileer. Die Tehuis het die fasiliteit, verskaf die krag en water, die persoon moet net sy eie haarsny en indraai toerusting bring. Die dienste sal net tot die eerste week in Januarie 2020 benodig word. Enige iemand wat belangstel of weet van iemand kan Henriette kontak.

Henriette Heydenrych: Bestuurder (Tel: 021 854 3763) henriette@huisjs.co.za

ACVV lewer maatskaplike dienste aan kwesbare kinders, gesinne, vroue en ouer persone/
ACVV renders social services to vulnerable children, families, women and older persons

- SAAM IN DIENS VAN DIE GEMEENSAP - TOGETHER IN SERVICE OF THE COMMUNITY -
- SIKUNYE KWIINKONZO ZOLUNTU - RE MMOGO MO DITIRELONG TSA LOAGO -

Baie-baie dankie vir elke boksie wat hier aangekom het vir boervroue, boere en kinders regoor die land waar die droogte almal op hul knieë het.

Indien enige iemand nog iets wil bydra:

Hier is die volgende omgee-projek.

Produkte kan by Lourensrivier se kerkkantoor afgelaai word.

Ons deel met jou 'n anonieme brief wat geplaas is op die Facebookblad "Boks vir Boervrou".

"Hoe beskryf jy droogte aan 'n kind? Ek weet nie. Ek weet regtig nie. Hierdie breek my meer as droogte self. Ek wil huil en lag hieroor want my meisiekind vra 'n vraag wat ek as grootmens nie weet hoe om te antwoord nie. "Dis eina. Dis diep. Dis iets wat ek nie kan beskryf nie. Dis in jou siel en in jou wese. Dis in jou wakker word en in jou slaap. Dit maak jou mal en dit maak jou nederig. Dit maak jou huil as jy nie 'n emosionele mens is nie. Dit maak dat

jy 'n lorrie met voer van voor sien kom en jy flikker ligte, begin huil en gooi 'n nederige dankie aan daardie vreemdeling. Dit breek jou. Dit maak jou wakker lê met jou hand op jou Boer se skouer en bid en seën en hoop EN pleit. Ek kan nie hierdie droogte breek nie my kind. Ek is hopeloos te min, maar vir jou, jou boetie/sussie en vir jou pappa is ek hier en ek gaan nêrens. Jesus het in 'n tannie van 'n vreemde dorp vir ons 'n boks gestuur. Weet jy wat is daarin? Bederfies! Ons is geseën en die genot op jou gesiggie as jy saam met my daardie boks uitpak is "priceless". Ek en pappa sal sorg dat jy en jou boetie alles kry wat julle moet hê. Julle maak dat ek en pappa elke oggend wakker word met vuur in ons. Julle maak dat niks ons sal keer nie en dat ons nooit sal ophou probeer nie. Maar ek weet in my diepste wese, hierdie definieer ons nie. Jy wat elke keer as daar net een druppel val skreeu DANKIE JESUS laat my glo droogte het jou geloof gekweek. Jy laat my op my knieë sak en weet, als is nie verniet nie. Jy glo soos net 'n kind kan en ek volg jou voorbeeld. Ons is nog geseën, ander mense is erger af maar ek en my huis weet nou van genade. Dit reën nie water nie (nog nie!) maar dit reën genade."

Gaan kyk ook na die video op ons FB blad (LourensrivierSeMense) van 'n brief wat 'n boer geskryf het. Dit leer ons van oorgee, omgee aangee en genadereën in die harte van Jesus-kindere!



Perdeberg Isuzu

16 Nov at 10:29 • 📍

The team at Perdeberg Isuzu are calling on you to help us help our Farmers in need! We are collecting non-perishable food, dog food, toiletries, children's clothing, livestock feed or cash donations for our farmers in the Northern Cape to provide relief from the terrible drought. We will have drop-off points at our Malmesbury, Citrusdal and Vredenburg branches until 4 December. #PerdebergCares #DroughtRelief

